

长乐祠堂记

熊氏之先出自鬻熊公为西伯文王之师范受爵于周汔至毓兰公屈指六十有六世矣盖自毓兰公而下又历传一十二世由豫章迁湘始祖曰安常安鼎安定安仁惟我祖常公与鼎定仁三公係汉杰汉荣两公所出之苗裔也据数世而子孙滋甚皆散于湘中则熊氏开癖所由肇也然思其渊源有自者岂敢忘万派朝宗之道呼故族长诸名公于道光甲午倡建宗祠于长乐十字街上栋下宇宇宙貌巍峨神龕设于高堂祭器贮于厢度始祖支祖庶几在上而在旁焉岁自春秋祭祀外时节朔望必诚必信而竭奠焉如是升降秩秩俎豆莘莘竦然瞻礼其下诚知揭虔以妥先灵者也祠之前有街道以纵目者市里负贩之人往来不绝以适取于眉睫俄顷之变压故而即新望彼而置此类皆风气使然之一日偕族丈汲湘玩乎其间

行游池塘園圃之狀加之以春簫秋管牧笛漁歌幽賞未已高談轉清至于左盼有智峰高峻右有洙港回龍而其中又有羅城舊基相離咫尺耳但古蹟名山往往寺廟碑文刊刻而獨存者孰不觸目心懷者矣爰先祖之廟建于湘陰長樂洵勝境也坐觀而皆得之思祠堂之所以卜筑而記之以文此祠之得于鍾毓而宜乎人之賢以昌大者亦必自此矣曩聞斯地號曰名區然值蒸祭朝夕祠中相語也族之前人知其如斯之美必由是而建之則庶乎其不謬矣茲主修汲湘與父老囑鎮藩以文志之自忝列纂修累月乃一見其可无感乎

裔孫先瑞字畢康諱鎮藩氏謹誌

民國二十六年丁丑歲